



## **Territoris da protecziun per la sulvaschina - adattamaints 2023**

L'Uffizi da chatscha e pes-cha dal Grischun ha tramiss üna consultaziun a regard adattamaints dals territoris da protecziun da sulvaschina a partir dals 1-9-2023. La suprastanza ha approvà quists adattamaints sco propuonü da l'uffizi chantunal.

## **SQ aua da baiver - sistem da controlla e documentaziun (W12)**

Il cumün es in oblig d'elavurar ün sistem per garantir la qualità d'aua da baiver (SQ/QS) tenor directiva W12. Quist sistem es fingià in elavuraziun. Per pudair lavurar efficiant cun ün optimal grà da controlla e survista es hozindi üsit d'implementar il SQ in ün sistem digital. Il gremi respunsabel ha surdat l'incumbenza a la firma specialisada Kern Conzepte AG, Herisau.

## **S-chodamaint central – Runatsch/Palü - surdattas da lavur**

In connex culla progettaziun dal schlargiamaint dal s-chodamaint central in Runatsch e Palü as ha stuvü constatar cha la situaziun actuala sül marchà es fich difficila. Ils predschs as han augmantats bainquant in congual cun quai chi'd es gnü calculà. La suprastanza cumünala nu vezza la pussibilità d'executar las lavurs manzunadas amo quist on. Perquai es gnü decis da spostar il proget sün prossem on e da til realisar da prümavaira 2023.

## **Cussagliaziun da fabrica - elecziun**

La suprastanza cumünala ha elet a Reto Maurizio da Malögia i'l mandat sco nouv cussgliader da fabrica.

## **Regulaziun da trafic a Susch - stà 2022**

Sün basa a las experienzas fattas la stà passada a Such, fa l'Uffizi da construcziun bassa la proposta d'improvar a megliorar eir quist on la situaziun da trafic tras Susch cun cadets da trafic. La regulaziun dal trafic dess gnir fatta d'urant las fin d'eivnas i'ls mais lügl ed avuost 2022. Il gremi respunsabel ha acconsenti la dumonda per quist proget.

## **Forz' electrica - definiziun "contribuziun al man public" per l'on 2023**

Minch'on ston ils cumüns definir l'import chi vain indemnisà pels drets da passagi/transport d'energia, la „contribuziun al man public“. In seguit a l'approvaziun da la revisiun da la ledscha d'energia cumünala a l'urna als 13-2-2022 ha la contribuziun al proget Zernez Energia 2020 da gnir adattada eir sün las fracziuns Brail, Susch e Lavin. Percunter dess la contribuziun fundamentala restar pro tuottas quatter fracziuns sün 0.6 rps/ukw. La suprastanza cumünala ha decis da definir pel 2023 quista contribuziun sco segua per tuot las quatter fracziuns: 2.1 rps/ukw (0.6rp + 1.5 rps per Zernez Energia 2020).

## **Ruzön III a Zernez – vendita d'üna parcella da fabrica**

La suprastanza ha decis da vender la parcella da fabrica no. 1252 da la segunda etapa da Ruzön III a Zernez ad ün pêrin da la bassa.

## **Planisaziun d'areal Cul - intervenziun, respostas e decisiun d'üna segunda publicaziun**

Tanter ils 8 december 2021 e'ls 7 schner 2022 ha gnü lö la prüma publicaziun uffiziala d'intervenziun da la planisaziun d'areal Cul. D'urant quista publicaziun sun entradas diversas intervenziuns da partidas pertoccas. Quistas han pudü gnir trattadas illa sezzüda da la cumischiun da planisaziun d'areal Cul. La suprastanza cumünala ha approvà las respostas als pertocs e decis da manar tras üna segunda publicaziun uffiziala d'intervenziun cun integrar ils adattamaints acconsentis.

## **Planisaziun locala Zernez - proseguimaint cun l'elavuraziun dal "KRL - Kommunales Räumliches Leitbild" - decisiun d'approvaziun e d'inviaziun a l'ARE GR**

Il plan directiv cumünal, il uschedit KRL – Kommunal räumliches Leitbild es davo passa duos ons d'urada d'elavuraziun es stat pront per l'approvaziun tras la suprastanza cumünala. Quist documaint dess esser üna basa directiva per la planisaziun e'l svilup local a Zernez. D'urant la d'urada da publicaziun d'intervenziun sun entradas diversas intervenziuns da partidas pertoccas. Las respostas sun gnüdas approvadas e respusas ed il KRL rinvià a l'Uffizi per il svilup dal territori (ARE).

## **Cumischiuns e delegaziuns cumünalas - surlavuraziun 2022**

Il chanzlist ha surlavurà il register da las cumischiuns e delegaziuns cumünalas e preschantà a la suprastanza üna proposta pels adattamaints. La suprastanza cumünala ha decis sur da las commemoranzas, delegaziuns etc. pel 2022.

## **Büro electoral per las votaziuns ed elecziuns cumünalas e chantunalas e federalas dals 25 settember 2022**

La suprastanza cumünala ha elet il büro electoral per las votaziuns dals 25 settember 2022. Al büro electoral fan part: Seraina Bickel sco presidenta, Brigitta Enkerli, Beat Schärer, Fabian Schorta, Susanna Denoth e Corsin Scandella sco actuar.

## **Radunanza cumünala - tractandas provisoricas dals 26 avuost 2022**

Causa cha las tractandas previsas per la radunanza cumünala dals 26 avuost 2022 nu sun amo prontas fin a quel di ha la suprastanza cumünala decis da spostar la radunanza suls 26 october 2022.